



Ciorclán 0017/2013

**Chuig: Údaráis Bainistíochta Bunscoileanna, Meánscoileanna, Pobalscoileanna agus
Scoileanna Cuimsitheacha Aitheanta
agus
Príomhoifigigh Feidhmiúcháin Coistí Gairmoideachais**

**TEIDLÍOCHTAÍ COSANTA MÁITHREACHAIS DO CHÚNTÓIRÍ
RIACHTANAS SPEISIALTA
i mBunscoileanna agus in Iarbhunscoileanna
Aitheanta**

Ordaíonn an tAire Oideachais agus Scileanna duit na rialacháin agus na nósanna imeachta maidir le Teidlíochtaí Cosanta Máithreachais do chúntóirí riachtanas speisialta a maoinítear a bpoist go hiomlán trí airgead a sholáthraíonn an tOireachtas a chur i ngníomh.

Tá na rialacháin agus na nósanna imeachta le cur i ngníomh ag gach fostóir láithreach agus ní mór do gach cúntóir riachtanas speisialta cloí le téarmaí an chiorcláin seo.

Glacann an ciorclán seo ionad gach ciorcláin, meabhráin, rialach agus rialacháin roimhe seo i ndáil le Teidlíochtaí Cosanta Máithreachais. Cinntígí, le bhur dtoil, go soláthraítear cóipeanna den chiorclán seo do gach ball den Bhord Bainistíochta/den Choiste Gairmoideachais agus go ndéantar aird gach cúntóra riachtanas speisialta atá ar fostú agaibh, lena n-áirítear iad sin atá as láthair, a dhíriú ar a bhfuil ann.

Tá rochtain ar an gCiorclán seo ar shuíomh gréasáin na Roinne faoi www.education.ie – Baile – Foireann Oideachais – Sosanna/Saoire – Saoire Mháithreachais

Dalton Tattan
Téarmaí agus Coinníollacha
Múinteoirí/Cúntóirí Riachtanas Speisialta
5 Márta 2013

Padraig Maloney
Rannóg Párolla

5 Márta 2013

Mínithe

Chun críocha na scéime seo, tá leis na téarmaí seo a leanas na bríonna a shanntar dóibh anseo mura léirítear a mhalairt sa chomhthéacs:

Cúntóir Riachtanas Speisialta a bhFuil Leanbh Cíche Aici – ciallaíonn sé, aon tráth, cúntóir riachtanas speisialta ar dáta nach faide siar ná sé seachtaine is fiche roimhe sin a dáta luí seoil, a bhfuil leanbh cíche aici agus a chuir an méid sin iúl d’fhostóir an chúntóra riachtanas speisialta.

DSP – ciallaíonn sé an Roinn Coimirce Sóisialaí.

Fostóir – ciallaíonn sé Coiste Gairmoideachais (VEC) do ghairscoileanna/do choláistí pobail agus Bord Bainistíochta/Bainisteoir i gcás bunscoileanna, meánscoileanna deonacha, pobalscoileanna agus scoileanna cuimsitheacha. Féadfaidh an Coiste Gairmoideachais nó an Bord Bainistíochta/an Bainisteoir freagracht as na nithe a leagtar amach sa chiorclán seo a tharmligean chuig Príomhoide na scoile.

An tÚdarás Sláinte agus Sábháilteachta (HSA) – an comhlacht náisiúnta in Éirinn atá freagrach as sláinte agus sábháilteacht ag an obair a áirithiú. Is comhlacht stát-tionscanta é a bunaíodh faoin Acht um Shábháilteacht, Sláinte agus Leas ag an Obair, 2005.

Bliain Saoire – ciallaíonn sé an tréimhse ón 1 Meán Fómhair go dtí an 31 Lúnasa gach bliain.

Sochar Máithreachais – ciallaíonn sé íocaíocht a dhéanann DSP le mná atá as láthair ón obair ar saoire mháithreachais agus a chomhlíonann na critéir cháilíochta le haghaidh an tsochair.

Foirm MB10 – ciallaíonn sé Foirm Sochair Máithreachais DSP.

NCSE – ciallaíonn sé an Chomhairle Náisiúnta um Oideachas Speisialta.

Seirbhís Sláinte Ceirde (OHS) – ciallaíonn sé soláthróirí comhairle liachta neamhspleách maidir le sláinte cheirde.

Córas Éileamh Ar Líne (OLCS) – ciallaíonn sé an córas chun asláithreachtaí a thaifeadadh agus leitháireamh a dhéanamh maidir leis na héilimh chun cúntóirí riachtanas speisialta ionaid agus páirtaimseartha neamhsheasta a íoc atá á oibriú faoi láthair i mbunscoileanna, i meánscoileanna saorálacha, i bpobalscoileanna agus i scoileanna cuimsitheacha.

Bliain Scoile – mar a mhíníonn an tAire Oideachais agus Scileanna é ó am go ham agus, faoi láthair, dar tosach an 1 Meán Fómhair agus dar críoch an 31 Lúnasa gach bliain.

An Roinn – ciallaíonn sé an Roinn Oideachais agus Scileanna.

1. Saoire Mháithreachais

- 1.1 Maidir le gach cúntóir riachtanas speisialta atá torrach, a mbeirtear leanbh beo di, nó a bhaineann amach 24 seachtaine toirchis, tá siad i dteideal 26 seachtaine saoire máithreachais agus 16 seachtaine saoire máithreachais breise gan phá.
- 1.2 De ghnáth, tosóidh saoire mháithreachais ar cibé lá a roghnaíonn an cúntóir riachtanas speisialta atá torrach, mura bhfuil deimhniú liachta aici á rá gur cheart go dtosódh an tsaoire ar dháta áirithe. Ní mór, áfach, nach mbeidh an dáta tosaithe níos déanaí ná 2 sheachtain roimh dheireadh na seachtaine ina bhfuiltear ag súil le breith an linbh agus ní mór 4 seachtaine a thógáil tar éis dheireadh na seachtaine ina mbeirtear an leanbh. Chun na gcríoch sin, meastar gurb é an Satharn deireadh na seachtaine. Féadfaidh cúntóirí riachtanas speisialta aird a thabhairt ar rialacha de chuid RCS trínar gnách nach dtosaíonn incháilitheacht le haghaidh sochar máithreachais go dtí an 24ú seachtain den toircheas agus go gcríochnaíonn sí nuair a thagann deireadh leis an tsaoire mháithreachais. Tá mionsonraí breise maidir le rialacháin DSP ar fáil go díreach ón Roinn sin.
- 1.3 Má tharlaíonn an bhreith i seachtain sular thosaigh an cúntóir riachtanas speisialta ar a saoire mháithreachais, ansin ní mór go dtosódh an tsaoire mháithreachais láithreach agus ní mór an méid sin a chur in iúl don fhostóir.
- 1.4 Má tharlaíonn an bhreith tar éis an dáta tuartha agus go bhfuil líon is lú ná 4 seachtaine saoire máithreachais fágtha, ní mór an méid sin a chur in iúl don fhostóir agus, ansin, fadófar an tsaoire mháithreachais chun a chinntiú go dtógfar 4 seachtaine saoire máithreachais tar éis na breithe.
- 1.5 Scoirfidh teideal cúntóra riachtanas speisialta chun saoire máithreachais, le pá nó gan phá, ar dhul in éag do chonradh sa chás nár athnuadh an conradh sin.

2. Saoire Reachtúil Bhreise gan Phá

- 2.1. Ag tosú an lá díreach tar éis dheireadh na saoire máithreachais, tá rogha ag cúntóir riachtanas speisialta uasmhéid 16 seachtaine as a chéile de shaoire mháithreachais reachtúil bhreise gan phá a thógáil.
- 2.2 D'fhéadfadh cúntóir riachtanas speisialta a bhaineann leas as saoire mháithreachais reachtúil bhreise gan phá a bheith i dteideal creidmheasanna ÁSPC a fháil. Le do thoil, comhlánaigh an tIarratas ar Chreidmheasanna Saoire Máithreachais atá ar fáil ó DSP agus iarr ar d'fhostóir cuid an fhostóra a chomhlánú agus é a chur ar ais chuig DSP.

3. An tOrd ar dá réir Is Gá Saoire a Thógáil

- 3.1 Is iad seo a leanas na socruithe seicheamhaithe le haghaidh teidlíochtaí máithreachais:
 - (a) Saoire mháithreachais (26 seachtaine)
 - (b) Saoire mháithreachais reachtúil bhreise gan phá (uasmhéid 16 seachtaine)
- 3.2 Nuair a bheidh leas iomlán bainte as gach cineál saoire gaolmhaire, de réir mar is cuí maidir le gach pearsa aonair, ansin is é an chéad lá oibre eile an dáta athchromtha don chúntóir riachtanas speisialta.

4. Nósanna Imeachta Iarratais do Chúntóirí Riachtanas Speisialta

- 4.1 Ba cheart do chúntóirí riachtanas speisialta iarratas a dhéanamh ar shaoire mháithreachais, idir shaoire le pá agus shaoire gan phá, chuig a bhfostóir 6 seachtaine ar a laghad roimh thosú ar an tsaoire agus sin ar an bhfoirm iarratais fhorordaithe atá ag gabháil leis an gclár seo in Aguisín A.
- 4.2 Tá an t-iarratasóir freagrach as foirm MB10 a chomhlánú agus ba chóir di a chinntiú go gcomhlánaíonn an scoil cuid an fhostóra roimh í a chur ar aghaidh chuig DSP 6 seachtaine ar a laghad roimh an dáta tosaithe. **NÍ CEART** foirm MB10 a chur chuig an Roinn Oideachais agus Scileanna.

5. Ríomh agus Nósanna Imeachta OLCS d'Fhostóirí

- 5.1 Ní mór d'fhostóirí asláithreachtaí a thaifeadadh ar OLCS 6 seachtaine ar a laghad roimh an dáta tosaithe le haghaidh saoire mháithreachais.
- 5.2 Tá an nós imeachta chun asláithreacht saoire máithreachais a thaifeadadh ar OLCS i gceangal in Aguisín B a ghabhann leis an gclár seo.
- 5.3 Tá cás saoire máithreachais samplach agus bileog oibre shamplach i gceangal in Aguisín C a ghabhann leis an gclár seo.

6. Seoladh le haghaidh Comhfhreagrais

- 6.1 Díreoidh an fostóir an comhfhreagras riachtanach go léir chuig an gcúntóir riachtanas speisialta ag an seoladh deiridh a chuir an cúntóir riachtanas speisialta in iúl agus ní bheidh aon locht ar an bhfostóir i gcás nach bhfaigheann an cúntóir riachtanas speisialta an comhfhreagras sin.

7. Teidlíocht ar Shaoire Bhliantúil Reachtúil/Shaoire Phoiblí

- 7.1 I gcoitinne, tá fostaithe lánaimseartha i dteideal 20 lá de shaoire bhliantúil. Tá fostaithe a oibríonn líon is lú ná uaireanta lánaimseartha i dteideal saoire bhliantúil ar bhonn *pro rata*.
- 7.2 Déileálfar le haon teidlíochtaí maidir le laethanta saoire poiblí le linn a bheith ar saoire mháithreachais mar shaoire bhliantúil bhreise.
- 7.3 Ní mór na laethanta saoire bliantúla sin a thógáil ar laethanta ar a bhfuil an scoil dúnta agus atá ann i rith na bliana saoire atá i gceist i.e. roimh an tréimhse saoire máithreachais agus i ndiaidh na tréimhse sin. Tógfar laethanta saoire bliantúla tráth éigin lasmuigh den tréimhse saoire máithreachais.
- 7.4 Nuair atá leas á bhaint as saoire mháithreachais reachtúil agus nach bhfuil go leor laethanta ann ar a bhfuil an scoil dúnta sa bhliain saoire chun na teidlíochtaí saoire bliantúla uile a iompar, ceadáítear na laethanta is gá a thógáil díreach roimh an tsaoire mháithreachais sa bhliain saoire chéanna. De rogha air sin, ceadófar do chúntóirí riachtanas speisialta an t-iarmhéid a thabhairt ar aghaidh chuig an gcéad bhliain saoire eile ach ansin, ní mór di na laethanta sin a thógáil ar laethanta nuair atá an scoil dúnta.
- 7.5 D'fhéadfadh cúntóirí riachtanas speisialta a éiríonn as/a théann ar scor a bheith i dteideal íocaíocht bhreise in ionad a gcuid saoire fabhraithe.

8. Socruithe Pá agus Sochar Máithreachais

- 8.1 Ní teidlíocht reachtúil é leanúint den tuarastal a fháil le linn saoire mháithreachais agus braitheann sé ar théarmaí agus coinníollacha comhaontaithe na scéime seo a chomhlíonadh.
- 8.2 Ba cheart aon ghníomh a fhágann gur gá coigeartú a dhéanamh ar phá cúntóra riachtanas speisialta a chur in iúl láithreach don Roinn/don Choiste Gairmoideachais.
- 8.3 Faoi rialacháin de chuid DSP, eiseofar aon Sochar Máithreachais is iníoctha ag DSP le ranníocóirí ÁSPC de réir an ráta iomláin (Aicme A) go díreach chuig an gcúntóir riachtanas speisialta atá i gceist. Ar dtús, déanfaidh an Roinn asbhaint as an tuarastal a bheidh ar cóimhéid leis an ráta seachtainiúil uasta is iníoctha leis an gcúntóir riachtanas speisialta.
- 8.4 Más lú an méid sochair is iníoctha leis an gcúntóir riachtanas speisialta ná an t-uasmhéid, nó mura bhfuil teideal ag duine chuig aon Sochar Máithreachais, ba cheart dóibh an méid sin a chur in iúl dá rannóg párolla láithreach chun a chinntiú go bhfuil na coigeartuithe tuarastail ceart. Féadfar athruithe a dhéanamh ar an asbhaint uathoibríoch ar choinníoll go ndéanann an cúntóir riachtanas speisialta cóip den fhógra i scríbhinn ó DSP maidir leis an ráta Sochair iarbhair is infheidhme, más aon ráta é, a thabhairt don rannóg párolla iomchuí. Déanfar asbhaintí, más cuí, gach coicís le linn na tréimhse saoire le pá suas le huasmhéid 26 seachtaine le haghaidh saoire mháithreachais. Má dhéantar na hasláithreachtaí a thaifeadadh déanach, ní mór aon riaráistí a asbhaint ón tuarastal tar éis dháta an fhógra.
- 8.5 Le héifeacht ón 1 Iúil 2013, déileálfar le híocaíocht Sochair Máithreachais mar ioncam inchánach.

9 Am saor le haghaidh coinní cúraim réamhbhreithe, coinní cúraim iarbhreithe agus chun freastal ar ranganna réamhbhreithe.

- 9.1 Tá cúntóirí riachtanas speisialta atá torrach i dteideal am saor ón obair a fháil gan aon phá a chailliúint chun na nithe seo a leanas a dhéanamh:
 - (a) freastal ar choinní liachta a bhaineann le cúram réamhbhreithe,
 - (b) freastal ar shraith amháin de ranganna réamhbhreithe i rith gairm oibre, seachas na 3 rang dheireanacha i sraith den sórt sin, agus
 - (c) freastal ar choinní liachta a bhaineann le cúram iarbhreithe laistigh de 14 seachtaine tar éis na breithe.
- 9.2 Má chailleann cúntóir riachtanas speisialta torrach ranganna áirithe réamhbhreithe i sraith, ansin is ceadmhach di, le linn toircheas ina dhiaidh sin, freastal ar ranganna atá coibhéiseach leis na ranganna a cailleadh.
- 9.3 Tá athair feifeach i dteideal am saor a fháil ón obair, gan pá a chailliúint, chun freastal ar an dá rang réamhbhreithe deiridh i sraith ar a bhfreastalaíonn an mháthair thorrach.
- 9.4 Ba cheart fógra coicíse a thabhairt i gcás gach asláithreachta dá dtagraítear san alt seo agus ba cheart deimhniú cuí a sholáthar.

10. Sláinte agus Sábháilteacht cúntóirí riachtanas speisialta torracha, iarbhreithe agus a bhfuil leanbh cíche acu

- 10.1 Leis an Acht um Shábháilteacht, Sláinte agus Leas ag an Obair, 2005 agus na Rialacháin um Shábháilteacht, Sláinte agus Leas ag an Obair (Feidhm Ghinearálta), 2007 (I.R. Uimh. 299

de 2007), cuirtear oibleagáid ar an bhfostóir, a luaithe a chuireann an cúntóir riachtanas speisialta in iúl dó go bhfuil sí ag iompar, aon phriacal sonrach san áit oibre don chúntóir riachtanas speisialta sin a mheasúnú agus a chinntiú nach mbeidh an cúntóir riachtanas speisialta torrach, iarbhreithe nó a bhfuil leanbh cíche aici faoi lé aon oibreáin, próisis nó coinníollacha oibre a dhéanfaidh damáiste do shábháilteacht nó do shláinte an chúntóra riachtanas speisialta atá torrach agus/nó do shábháilteacht nó do shláinte an linbh atá faoi fhorbairt.

- 10.2 Ba cheart torthaí na measúnachta priacail agus na bearta atá le déanamh a chur in iúl don chúntóir riachtanas speisialta. Tá na socruithe mionsonraithe maidir le freagrachtaí an fhostóra agus an chúntóra riachtanas speisialta, faoi seach, i ndáil le saoire sláinte agus sábháilteachta in Ailt 17-20 den Acht um Chosaint Mháithreachais, 1994.
- 10.3 I gcás go ndearnadh priacal a shainaithint agus nach féidir deireadh a chur leis, ba cheart bearta cosantacha agus coisctheacha a dhéanamh chun sláinte aon chúntóra riachtanas speisialta lena mbaineann na forálacha a chosaint, ar nós:
- (a) coigeartú sealadach ar thimpeallacht oibre an chúntóra riachtanas speisialta lena mbaineann ionas nach gcuirtear í faoi lé an phriacail, nó
 - (b) i gcás nach féidir coigeartú den sórt sin a dhéanamh, tríd an gcúntóir riachtanas speisialta a aistriú chuig obair eile nach bhfuil an priacal i gceist léi, nó
 - (c) i gcás nach bhfuil obair eile den sórt sin ar fáil, agus tar éis dul i gcomhairle le OHS agus teastas a fháil ó OHS trí shaoire sláinte agus sábháilteachta a dheonú don chúntóir riachtanas speisialta. Tá an cúntóir riachtanas speisialta i dteideal deimhniú a fháil, ar iarraidh a dhéanamh, ina luaitear na cúiseanna gur deonaíodh saoire di. Ní mór go luafar sa deimhniú freisin dáta tosaithe na saoire agus an dáta a bhfuiltear ag súil go mbeidh deireadh léi Féadfar Saoire Sláinte agus Sábháilteachta Máithreachais a dheonú i leith níos mó ná tréimhse amháin, ar choinníoll go gcomhlíontar na coinníollacha a léirítear in 10.1 agus 10.2 thuas i leith gach tréimhse lena mbaineann den sórt sin.
- 10.4 Soláthraítear foirm shamplach le haghaidh deimhniú priacail sa sceideal a ghabhann leis na Rialacháin um Chosaint Mháithreachais (Deimhniú Saoire Sláinte agus Sábháilteachta), 1995 (I.R. Uimh. 19 de 1995).
- 10.5 Scoirfidh Saoire Sláinte agus Sábháilteachta:
- (a) nuair a thosaíonn an cúntóir riachtanas speisialta ar shaoire mháithreachais, nó
 - (b) nuair nach fostaí lena mbaineann Cuid III den Acht um Chosaint Mháithreachais, 1994 an cúntóir riachtanas speisialta a thuilleadh (i.e. go gcuireann sí in iúl don fhostóir nach bhfuil sí torrach, nár rugadh leanbh di laistigh de na 14 seachtaine roimhe sin nó nach bhfuil sí laistigh de na 26 seachtaine tar éis na breithe agus leanbh cíche aici, de réir mar a mhínítear san Acht); nó
 - (c) nuair a thagann deireadh leis an mbaol,
- 10.6 Ba cheart ceisteanna sonracha maidir le cúrsaí sláinte agus sábháilteachta a dhíriú ar an Údarás Sláinte agus Sábháilteachta (HSA), www.hsa.ie, agus féadfaidh an tÚdarás sin comhairle, cúnamh agus misniú a chur ar fáil a bheidh dírithe ar thimpistí a bhaineann leis an obair a chosc agus sábháilteacht, sláinte agus leas ceirde a chur chun cinn.

10.7 Beidh cúntóir riachtanas speisialta i dteideal tuarastal iomlán a fháil don chéad 21 lá ar saoire sláinte agus sábháilteachta.

11. Saoire Athar: Teideal cúntóirí riachtanas speisialta is fir saoire a fháil i gcás an mháthair d'fháil bháis le linn a bheith ar saoire mháithreachais.

11.1 I gcás go bhfaigheann an mháthair bás laistigh de 40 seachtain tar éis breith linbh bheo, tá teideal chun saoire mar a leanas ag cúntóir riachtanas speisialta is fear:

(a) má fhaigheann an mháthair bás roimh dheireadh an 24ú seachtain tar éis bhreith an linbh, tá teideal ag an athair saoire le pá a fháil suas go dtí an 24ú seachtain. Ag deireadh na tréimhse sin, tá sé i dteideal cur isteach ar 16 seachtaine breise as a chéile de shaoire gan phá a thosóidh láithreach

nó

(b) má fhaigheann an mháthair bás tar éis an 24ú seachtain tar éis bhreith an linbh, tá an t-athair i dteideal saoire gan phá a fháil suas go dtí an 40ú seachtain tar éis bhreith an linbh.

11.2 Beidh feidhm freisin maidir le saoire an athar ag an socrú seicheamhaithe a léirítear in **Alt 3**:

(a) Saoire Athar (aon iarmhéid a bheidh fágtha de theideal saoire máithreachais na máthar a aistriú chuig an athair suas go dtí an 24ú seachtain tar éis sheachtain na breithe)

(b) Saoire athar reachtúil bhreise (aon iarmhéid a bheidh fágtha de shaoire na máthar gan phá suas go dtí an 40ú seachtain tar éis sheachtain na breithe a aistriú chuig an athair)

11.3 Ba cheart, de ghnáth, go dtosóidh an tsaoire laistigh de 7 lá tar éis an teagmhais is cúis le teidlíocht an athar chuig an tsaoire ach ba cheart don fhostóir rogha a fheidhmiú de réir mar is cuí sna himthosca aonair. Chun leas a bhaint as a theidlíocht chuig saoire, féadfaidh an t-athair sna himthosca sin iarratas i scríbhinn a dhéanamh chuig a fhostóir. A luaithe is indéanta le réasún, ba cheart cóip de dheimhniú báis na máthar agus cóip de dheimhniú breithe an linbh a sholáthar don fhostóir.

12. Teidil saoire a chur siar i gcás an leanbh a bheith san ospidéal

12.1 I gcás an leanbh a bheith san ospidéal, féadfar iarraidh a dhéanamh chuig an bhfostóir chun na cineálacha saoire seo a leanas a chur siar

(a) saoire mháithreachais

(b) saoire mháithreachais reachtúil bhreise gan phá

(c) saoire athar

(d) saoire athar reachtúil bhreise gan phá

12.2 Ní fheadfar saoire mháithreachais a chur siar ach amháin tar éis 14 seachtaine ar a laghad a bheith caite, agus ní mór gur tógadh 4 seachtaine den tsaoire sin tar éis sheachtain bhreithe an linbh. Chun saoire a chur siar, is gá go bhfillfidh an cúntóir riachtanas speisialta ar a chuid dualgas nó ar a cuid dualgas sa scoil le linn don tsaoire a bheith curtha siar.

12.3 Ní mór iarratas chun saoire a chur siar a dhéanamh i scríbhinn chuig an bhfostóir, agus deimhniú ón ospidéal ina bhfuil an leanbh ina theannta. Ní mór don fhostóir a chinneadh a chur in iúl don chúntóir riachtanas speisialta a luaithe is féidir. Má dhéantar an tsaoire a chur siar, ní mór don fhostóir agus don chúntóir riachtanas speisialta dáta fillte ar an obair a chomhaontú.

- 12.4 Ní mór é a chur in iúl don Roinn/don Choiste Gairmoideachais agus do DSP láithreach má tá an cúntóir riachtanas speisialta chun filleadh ar an obair chun cúrsaí pá a choigeartú agus chun go scoirfear d'aon sochar ó DSP agus chun íocaíocht leis an gcúntóir riachtanas speisialta ionaid a thabhairt chun críche.
- 12.5 Ní mór an tsaoire a chuirfear siar a thógáil in aon tréimhse leanúnach amháin dar tús tráth nach déanaí ná 7 lá tar éis an leanbh a scaoileadh amach as an ospidéal. 6 mhí an tréimhse uasta maidir le saoire a chur siar.
- 12.6 Ní mór don chúntóir riachtanas speisialta litir nó doiciméadacht chuí eile ón ospidéal nó ó dhochtúir an linbh a sholáthar don fhostóir ina ndeimhnítear an dáta a scaoileadh an leanbh amach.
- 12.7 Má éiríonn an cúntóir riachtanas speisialta breoite tar éis filleadh ar an obair agus sular thóg sé/sí an tsaoire a cuireadh siar, measfar gur thosaigh sé/sí ar an tsaoire a cuireadh siar ar an gcéad lá atá sé/sí as láthair mar gheall ar an mbreoiteacht mura gcuireann an cúntóir riachtanas speisialta in iúl don fhostóir nach mian leis/léi tosú ar an tsaoire a cuireadh siar. Má tharlaíonn an méid sin, forghéillfidh sé/sí an tsaoire a cuireadh siar agus déileálfar leis an asláithreacht mar shaoire bhreoiteachta. Ba cheart na gnáthnósanna imeachta i ndáil le saoire bhreoiteachta a leanúint, lena n-áirítear deimhniú liachta a sholáthar, más cuí sin.
- 13 Saoire mháithreachais/saoire athar reachtúil bhreise gan phá a fhoirceannadh i gcás an mháthair/an t-athair a bheith breoite.**
- 13.1 Más rud é go ndearna cúntóir riachtanas speisialta iarratas ar shaoire mháithreachais reachtúil bhreise gan phá, nó ar shaoire athar reachtúil bhreise gan phá, agus go n-éiríonn sé nó sí breoite ina dhiaidh sin, tá sé/sí i dteideal an t-iarratas sin a chealú i scríbhinn tráth nach déanaí ná 4 seachtaine roimh an dáta atá an tsaoire sin ceaptha tosú. Má tá an spriocthréimhse 4 seachtaine caite, cailltear an teideal chun an tsaoire a chealú. Féadfadh iarraidh fhoirmiúil a dhéanamh fós, áfach, chun an tsaoire sin a chealú i bhfabhar asláithreacht saoire breoiteachta deimhnithe.
- 13.2 Tá ceadú i leith iarraidh den sórt sin chun an tsaoire a fhoirceannadh faoi réir rogha an fhostóra. Má chheadaítear í, ní mór don fhostóir agus don chúntóir riachtanas speisialta an dáta le haghaidh aon fhoirceannadh den sórt sin a chomhaontú. Ní mór nach mbeidh an dáta a chomhaontaítear níos luaithe ná an chéad lá breoiteachta deimhnithe ná níos déanaí ná an tráth a chríochnódh an tsaoire fhoirceanta thairis sin. Beidh feidhm ansin ag na gnáthnósanna imeachta i ndáil le saoire bhreoiteachta. Ní bheidh an cúntóir riachtanas speisialta i dteideal an tsaoire mháithreachais bhreise gan phá ná aon chuid di nár tógadh faoi thús na saoire breoiteachta a thógáil ina dhiaidh sin.
- 13.3 Chun an coigeartú pá a dhéanamh is gá, ní mór é a chur in iúl láithreach don Roinn/don Choiste Gairmoideachais go bhfuil an cúntóir riachtanas speisialta ar saoire bhreoiteachta anois.

14. Socrú maidir le cothú cíche

14.1 Laistigh de thréimhse sé seachtaine is fiche tar éis bhreith an linbh, tá cúntóir riachtanas speisialta a d'fhill ar an obair i dteideal uair an chloig gach lá le haghaidh cothú cíche. Féadfar an t-am saor a thógáil, gan pá a chailliúint, mar a leanas:

- (a) sos amháin 60 nóiméad, nó
- (b) dhá shos 30 nóiméad, nó
- (c) trí shos 20 nóiméad

14.2 Ní mór do chúntóir riachtanas speisialta atá cáilithe le haghaidh an tsocraithe sin é a chur in iúl don fhostóir i scríbhinn go bhfuil sé ar intinn aici leas a bhaint as sosanna den sórt sin. Ba cheart é a chur in iúl 4 seachtaine sula bhfilleann sí ar an obair tar éis na saoire mháithreachais gaolmhaire faoi théarmaí an chiorcláin seo. Ní mór cóip de dheimhniú breithe an linbh a chur isteach i dteannta an iarratais ar shosanna le haghaidh cothú cíche. Is faoin bhfostóir atá sé na socruithe riachtanacha a dhéanamh leis an gcúntóir riachtanas speisialta chun tógáil sosanna le haghaidh cothú cíche a urasú.

15. Saoire bhreuiteachta a bhaineann le toircheas a lascainiú chun críocha pá.

15.1 D'fhéadfadh cúntóir riachtanas speisialta torrach atá breoite a bheith cáilithe le haghaidh saoire bhreuiteachta a bhaineann le toircheas. Is ceadmhach d'fhostóirí, mar sin, ar dheimhniú liachta a fháil ina luaitear go mbaineann an bhreuiteacht le toircheas, an asláithreacht a thaifeadadh mar "breuiteacht a bhaineann le toircheas" ar OLCS. Níl feidhm ag an socrú seo ach amháin maidir le breuiteacht a tharlaíonn le linn toirchis agus sula dtosaíonn saoire mháithreachais.

15.2 I gcás cúntóra riachtanas speisialta atá ag druidim lena teideal uasta chuig saoire bhreuiteachta le pá faoi na gnáthrialacha, féadfar aon tréimhse breuiteachta a bhaineann le toircheas a lascainiú. D'fhonn a dhaingniú gur bhain an asláithreacht le toircheas iarbhrí, ba cheart d'fhostóirí comhairle a iarraidh ar OHS.

15.3 Ba cheart don fhostóir, le linn cás a tharchur chuig OHS, an Lámhleabhar Buan-Nós Imeachta Oibríochta a leanúint.

16. Conarthaí Ionaid

16.1 Maidir le gach asláithreacht a thagann faoi réim théarmaí an chiorcláin seo agus a mhaireann lá amháin ar a laghad, tá siad inionadaithe. Ba cheart tagairt shoiléir a bheith i gconarthaí a bhronntar chun asláithreachtaí a léirítear sa chiorclán seo a chumhdach go bhfuil imthosca ann ina bhféadfadh gur ghá an ceapachán ionaid a fhoirceannadh i gcás go bhfilleann an cúntóir riachtanas speisialta atá as láthair ar a cuid dualgas níos luaithe ná mar a síleadh i dtosach. (e.g. i gcás go ndéanann cúntóir riachtanas speisialta atá as láthair cuid den tsaoire mháithreachais a chur siar mar gheall ar an leanbh nuabheirthe a bheith san ospidéal).

17. Stádas le linn Saoire

17.1 Maidir le cúntóir riachtanas speisialta atá as láthair ar aon cheann de na cineálacha saoire dá dtagraítear sa chiorclán seo, meastar go raibh sé/sí i bhfostaíocht an tráth sin. Tá asláithreachtaí le pá ináirithe go hiomlán chun gach críche lena n-áirítear sinsearach. Tá saoire mháithreachais reachtúil bhreise gan phá ináirithe chun gach críche, seachas luach saothair agus aoisliúntas.

- 17.2 I gcás cúntóra riachtanas speisialta atá ar promhadh ag tús saoire máithreachais, beidh an tréimhse promhaidh ar fionraí le linn don chúntóir riachtanas speisialta a bheith as láthair agus críochnófar í nuair a fhilleann an cúntóir riachtanas speisialta ar an obair.

18. Fostaíocht le linn Saoire Mháithreachais

- 18.1 Ní cheadaítear do chúntóirí riachtanas speisialta gabháil d'aon fhostaíocht íoctha le linn saoire mháithreachais. Faoi rialacháin DSP, féadfar Sochar Máithreachais a fhoirceannadh i gcás go nglactar le fostaíocht íoctha le linn a bheith ar saoire mháithreachais. D'fhéadfadh gur ghá aon íocaíocht tuarastail ón Roinn seo a athbhreithniú i gcás Sochar Máithreachais a fhoirceannadh mar gheall ar neamhchomhlíonadh théarmaí scéime DSP.

19. Filleadh ar Dhualgais

- 19.1 Ba cheart don fhostóir ráiteas i scríbhinn a sholáthar don chúntóir riachtanas speisialta atá as láthair maidir leis an asláithreacht agus maidir leis an dáta a meastar go bhfillfear ar dhualgais. Ba cheart fógra i scríbhinn a thabhairt don fhostóir ceithre seachtaine sula mbeidh an cúntóir riachtanas speisialta ceaptha teacht ar ais ag an áit oibre á dhaingniú go bhfuil sé ar intinn ag an gcúntóir riachtanas speisialta filleadh ar dhualgais ón dáta sin.

20 Méadú / Laghdú ar Leithroinntí Cúntóra Riachtanas Speisialta

- 20.1 I gcás go méadaítear na huairanta a leithroinntear do phost cúntóra riachtanas speisialta le linn théarma a saoire máithreachais, méadófar an tuarastal le héifeacht ón dáta a fhilleann sí ar dhualgas sa scoil ar na huairanta breise.

Méadófar uairanta an chúntóra riachtanas speisialta le héifeacht ón dáta a bhfuil éifeacht sa scoil leis an leithroinnt mhéadaithe arna moladh ag NCSE.

- 20.2 I gcás go laghdaítear na huairanta a leithroinntear do phost cúntóra riachtanas speisialta le linn théarma a saoire máithreachais, laghdófar an tuarastal le héifeacht ón dáta a dhéanann an leithroinnt laghdaithe i leith na scoile. Féadfaidh an cúntóir riachtanas speisialta cur isteach ar chúiteamh i leith uairanta a chailliúint faoi théarma chiorclán reatha na Roinne maidir le socruithe iomarcaíochta do chúntóirí riachtanas speisialta laistigh de 52 sheachtain ón dáta a rinneadh laghdú i leith an phoist.

Laghdófar uairanta an chúntóra riachtanas speisialta le héifeacht ón dáta a bhfuil éifeacht sa scoil leis an leithroinnt laghdaithe arna moladh ag NCSE.

21. Comhlíonadh

- 21.1 Ní mór do gach cúntóir riachtanas speisialta cloí leis na rialacháin agus na nósanna imeachta a leagtar amach sa chiorclán seo. Má mhainníonn an cúntóir riachtanas speisialta na rialacháin agus na nósanna imeachta a urramú, déileálfar leis sin faoi na nósanna imeachta araíonachta agus d'fhéadfaí scor den tuarastal a íoc mar thoradh ar an méid sin.
- 21.2 Ní mór don fhostóir an doiciméadacht go léir a bhaineann le socruithe saoire máithreachais a choinneáil i dteannta na dtaifead pearsanra iomchuí. D'fhéadfaí na taifid sin a roghnú lena n-íniúchadh ag oifigigh ainmnithe de chuid na Roinne. Ba cheart go mbeadh gach taifead ag teacht leis an ionchur sonraí ar OLCS.

22. Eolas Breise

- 22.1 Dé réir na míre tosaigh, tá na rialacháin atá sa chiorclán seo le cur i ngníomh ag an bhfostóir. Mar sin, ba cheart aird an fhostóra a dhíriú ar gach ceist i dtosach agus d'fhéadfadh go mba mhian leis an bhfostóir dul i gcomhairle lena eagraíocht ionadaíochta agus d'fhéadfadh gur mhian leis an eagraíocht sin dul i gcomhairle leis an Roinn ag an seoladh ríomhphoist seo a leanas: teachersna@education.gov.ie

Aguisín A

Foirm Iarratais le haghaidh Teidlíochtaí Saoire Máithreachais

Ní mór an fhoirm iarratais seo a chomhlánú go hiomlán agus a choinneáil sa scoil chun críocha taifid agus iniúchta. Féadfar í a úsáid chun iarratas a dhéanamh ar shaoire mháithreachais agus/nó ar shaoire mháithreachais reachtúil gan phá. Ba cheart í a chomhlánú agus a chur isteach 6 seachtaine ar a laghad roimh an dáta a bhfuil an tsaoire ceaptha tosú.

NÍL an fhoirm iarratais seo le cur faoi bhráid na Roinne Oideachais agus Scileanna.

Má íocann an t-iarratasóir ranníocaí ÁSPC de chuid Aicme A, ba cheart Foirm MB10 chomhlánaithe a chur faoi bhráid DSP. Tá an fhoirm sin ar fáil ó DSP nó ar líne ag: www.welfare.ie

IARRATAS MAIDIR LE:

☐ **Saoire Máithreachais**

☐ **Saoire Máithreachais Reachtúil gan Phá**

Cuir tic leis an tsaoire chuí:

Ainm: _____ Scoil: _____
Uimh. Rolla _____ Uimh. Theagmhála: _____ UPSP: _____

Dáta breithe tuartha (EDB) ____/____/____

(Ní mór deimhniú liachta a chur faoi iamh ina ndaingnítear an dáta breithe measta)

Is mian liom saoire mháithreachais a thosú ar an ____/____/____

Luaigh an líon laethanta (más ann) de shaoire mháithreachais reachtúil bhreise gan phá atá le tógáil:
_____(Laethanta comhleanúnacha agus deiridh seachtaine san áireamh)

Saoire Máithreachais Reachtúil Bhreise ón _____ go dtí an _____ (cuir dátaí uileghabhálacha isteach)

Is mian liom iarratas a dhéanamh ar an tsaoire thuas de réir théarmaí Chiorclán 0017/2013

Síniú an Chúntóra Riachtanas Speisialta: _____ Dáta: _____

Ceadú agus Fíorú ag an bhFostóir

Deimhním gur cheadaigh mé an tsaoire thuas de réir théarmaí Chiorclán 0017/2013 agus gur choinnigh mé na doiciméid seo a leanas i gcomhad chun críocha iniúchta:

- 1) Gach iarratas ar theidlíochtaí saoire máithreachais.
- 2) Deimhniú ina dtaispeántar an dáta breithe tuartha.
- 3) Cóip den fhoirm MB10 chomhlánaithe.

Síniú: _____ Dáta: _____
(Thar ceann an Fhostóra)

Aguisín B

Nósanna imeachta a bhaineann le Saoire Mháithreachais a Thaifeadadh ar OLCS (scoileanna nach scoileanna gairmoideachais)

- 1) Gliogáil ar *Add* faoi *Leave* ar roghchlár OLCS
- 2) Cuir isteach dáta tosaithe agus dáta críochnaithe na saoire.
 - Gliogáil ar *Next*
- 3) Roghnaigh an ball den fhoireann atá ar saoire
 - Roghnaigh an earnáil saoire – Saoire Teaghlaigh agus
 - Roghnaigh an fho-earnáil saoire – Saoire Mháithreachais
 - Ba cheart gur 182 (26 seachtaine) an líon iomlán laethanta i leith saoire mháithreachais.
 - Gliogáil ar *Next*
- 4) Cuir isteach an dáta breithe tuartha
 - Fíoraigh deimhniú MB10

Faisnéis chun Cuidiú le Fostóirí Foirm MB10 a Chomhlánú

- Taispeántar liosta de na seachtainí ÁSPC don bhliain reatha agus don bhliain roimhe sin ar OLCS chun cuidiú le comhlánú chuid an fhostóra den fhoirm MB10.
 - I gcás gur 52 an líon iomlán seachtainí ÁSPC don bhliain chánach roimhe sin agus go raibh an cúntóir riachtanas speisialta i bhfostaíocht leanúnach ón tráth sin, ansin is é 52 an líon iomlán seachtainí atá le cur isteach. Más lú ná 52 an líon iomlán seachtainí agus go bhfuil conradh ag an gcúntóir riachtanas speisialta suas go dtí dáta tosaithe na saoire máithreachais, is é an líon iomlán seachtainí comhshuim na seachtainí ÁSPC sa bhliain chánach roimhe sin agus na seachtainí ÁSPC sa bhliain chánach reatha go dtí dáta tosaithe na saoire máithreachais.
 - Cuir isteach Uimhir Chláraithe chuí an Fhostóra, agus cuir síniú, dáta agus stampa uirthi dá réir sin.
- Is é 9599516K Uimhir Chláir an Fhostóra

- Gliogáil ar *Add Certificate*
- Cuir isteach dáta tosaithe agus dáta críochnaithe an Deimhnithe (Ní mór gurb ionann an dáta sin agus dáta Tosaithe agus dáta Críochnaithe na saoire máithreachais)
- Gliogáil ar *Add* (Gintear Uimhir Dheimhniúcháin ar cheart í a thaifeadadh ar chúil an iarratais agus é a chur sa chomhad.)
- Gliogáil ar *Next*
- Gliogáil ar *Add*. Taispeántar teachtaireacht daingniúcháin.

Nóta: Saoire Mháithreachais Bhreise (Gan Phá)

Tá sé tábhachtach a thabhairt faoi deara nach féidir asláithreacht ar Saoire Mháithreachais gan Phá í a thaifeadadh ar OLCS go dtí an chéad lá oibre eile tar éis fógra a thabhairt maidir le Saoire Mháithreachais. Ní mór don Roinn an tSaoire Mháithreachais a fhíorú i dtosach d'fhonn tosú ar asbhaintí ón tuarastal.

Aguisín C (i)**Bileog Oibre Shamplach maidir le Saoire Mháithreachais a Ríomh****Sampla**

Tá an sampla bunaithe ar Dháta Breithe Tuartha (EDB) arb é an 20 Meán Fómhair 2013 é; tosaíonn an tsaoire ón 02 Meán Fómhair agus tá 112 lá de shaoire reachtúil gan phá ina dhiaidh sin ann.

(1) Dáta Breithe Tuartha (EDB)	An 20 Meán Fómhair 2013
(2) Dáta Tosaithe (ní mór go mbeidh sé 2 sheachtain ar a laghad roimh dheireadh na seachtaine ina meastar go mbéarfar an leanbh)	An 02 Meán Fómhair 2013 (Sa sampla seo, is é an dáta tosaithe incheadaithe is déanaí an 07 Meán Fómhair 2013)
(3) Dáta críochnaithe na Saoire Máithreachais (26 seachtaine ón 02 Meán Fómhair 2013)	An 02 Márta 2014
(4) Saoire Mháithreachais Reachtúil Bhreise gan Phá (uasmhéid 16 seachtaine = 112 lá)	Sa sampla seo, tá leas le baint as 112 lá saoire gan phá ón 03 Márta 2014 go dtí an 22 Meitheamh 2014, go huile
(5) Dáta Fillte tar éis Saoire Mháithreachais Reachtúil gan Phá	An 23 Meitheamh 2014

Aguisín C (ii)

Bileog Oibre a bhaineann le Saoire Mháithreachais a Ríomh le haghaidh Asláithreachtaí Cúntóra Riachtanas Speisialta

Ainm:		Uimh. PSP:
(1) Dáta breithe tuartha (EDB)	Ní mór don iarratasóir Deimhniú Dochtúra a sholáthar chun é a dhaingniú.	Dáta:
(2) Dáta tosaithe	An dáta a bhfuil saoire mháithreachais le tosú (ní mór go mbeidh sé 2 sheachtain ar a laghad roimh dheireadh na seachtaine ina bhfuil dáta breithe tuartha an linbh)	Dáta:
(3) Dáta críochnaithe	Comhairigh 26 seachtaine ón dáta tosaithe (182 lá)	Dáta:
(4) Saoire Mháithreachais Reachtúil gan Phá (tosaíonn sí díreach tar éis gnáthShaoire	An méid saoire gan phá a ndéantar iarratas ina leith (suas le huasmhéid 16 seachtaine = 112 lá)	Dátaí: Ón: _____ Go dtí an: _____
(5) Dáta fillte	Cinn an chéad lá oibre eile a thagann tar éis dheireadh thréimhse na Saoire Máithreachais Reachtúla gan Phá	Dáta: